

TARIKH	15 / 9 / 2016	SEKSYEN	DUNIA
MUKA SURAT	49	RUANGAN	

Arab Saudi tolak sebarang cubaan politikkan haji

MEKAH — Pemerintah Arab Saudi, Raja Salman Abdulaziz Al-Saud berkata kelmarin bahawa kerajaannya menolak sebarang cubaan untuk mempolitikkan ibadah haji berikutan ketegangan antara Riyadh dan Teheran.

Buat kali pertama dalam tempoh hampir 30 tahun, 64,000 jemaah haji Iran tidak menyertai ibadah haji di kota suci Mekah pada tahun ini selepas dua negara serantau itu gagal mencapai kata sepakat tentang isu keselamatan dan logistik.

Antara kebimbangan Riyad yang termasuk tuntutan Teheran untuk menjanjukan tunjuk perasaan.

"Negara ini menolak amalan haji bagi mencapai sebarang tujuan politik," kata Raja Salman, 80, dalam ucapan ringkas kepada orang kenamaan antarabangsa yang menunaikan ibadah tersebut.

Teheran sebelum ini menuduh RIyadh sebagai 'menyekat jalan menuju kepada Allah'.

Antara isu yang menjadi punca perbalahan antara Arab Saudi dan Iran termasuk tentang aspek keselamatan selepas tragedi rempuhan pada musim haji tahun lalu yang menyebabkan kira-kira 2,300 jemaah terkorban.

Jemaah haji dari Iran dilaporkan mencepat korban tertinggi iaitu 464 orang.

Beberapa hari menjelang permulaan ibadat haji pada Sabtu lepas, pemimpin tertinggi Iran, Ayatollah Ali Khamenei mempersoalkan hak Arab



RAJA Salman (kanan) melawat penginapan sementara jemaah haji di Mina dekat kota suci Mekah pada 12 September lalu.

Saudi untuk menguruskan tempat paling suci umat Islam itu.

Beliau mengutuk keluarga diraja Arab Saudi. Khamenei juga menuduh pihak berkuasa Arab Saudi 'membunuh' mangsa-mangsa tragedi rempuhan itu.

Mufti Besar Arab Saudi, Abdulaziz al-Sheikh membala tuduhan Tehe-

ran dengan melabelkan pemimpin Iran sebagai kafir.

Majlis Kerjasama Teluk yang dianggotai Arab Saudi menuduh Iran terdesak kerana cuba mempolitikkan ibadah haji.

Lebih 1.8 juta jemaah dari seluruh dunia menunaikan ibadat haji yang secara rasminya tamat hari ini. - AFP